

## Greetings from General Secretary

2019 thluachuah za he luh kan i timhh lio ah Salai Kap Cung Nung le Pi Si Bang nih mual an kan liam tak. Tantak chungkhar Bawipa nih hnemh ko hna seh!! CBCUSA caah thlacamtu, pehtlainak a petu, missionaries le College siangngakchia a cawmtu nan dihlak cung ah lawmhnak chim ka duh. A ngan a dam i mission thilung a ngei mi, riantuantu thla a campiakmi Khrifabu si cio hna usi.



March 28-30, 2019 BT meeting a um lai. Thlacamnak he BT meeting rak kai cio hram u. CBCUSA cu vawleicung Chin mipun caah khuankhang laireltu asi tawn bantuk in Malaysia le India i kan mipun hna ca ah thlacam hna usi. 2019 December in refugee sinak a dongh cang lai tiah 2018 June 13 ah UNHCR in thanhnak an tuah. Thanhnak an tuah bak in miung 4 an i that. Minung 300 an tlaih hna. Ngaihchia ngai asi.

CHRO le Chin upa nih asi khawh chung in refugee donghter lo ding in UNHCR ah nawlnak tuah asi. American Baptist Churches USA le CBCUSA biatak in a cawlcang. Hi kong he pehtlai in, UNHCR hruaitu, Asian tuanvo latu UNHCR, ABCUSA, Australia in Senator Dean Smith le CBCUSA hna cu March 3-4, 2019 ah Bangkok ah meeting ngeih ding asi. CBCUSA min in kal ding ka si ve caah, nan Thlacamnak kan herh. UNHCR Bangkok meeting dih in Malaysia ah kan Chin mipun hna he tonnak kan ngei rih lai.

Kan unau Paletwa ram ah a ummi hna, thlacam in bawm hna usi. CBCUSA a thawnnak le teinak a hmuhnak cu Thlacamnak le Bawipa lawmhter si hram seh!

Khuazing Pathian nih Chin mipun le CBCUSA thluachuah pe chin hram ko seh!!

\*\*\*

## MISSION DEPARTMENT

Rev. Dr. Van Thawng Lian

### CCCH Pastor Thar

Chin Christian Church of Houston (CCCH), TX pastor Rev. Van Thawng Lian cu CBCUSA Mission Department ah Director rian khinh a si hnu ah Mino Pastor ah an rak hman mi Pastor Peng Za Hmun cu Assistant Pastor ah kaiter in CCCH, TX Pastor cu Peng Za Hmun a si cang.

### Mission Department Director Kawlram Tlawnnak

Nikum Oct. 28 in Dec. 13, 2018 ah CBCUSA Mission director cu Kawlram i ICBM Mission field zoh le training pek ah Kawlram a tlawng. Manh lo ngai le i diin loin Mission field umnak Gangaw peng, Mindat peng, Kanpalet peng, Matupi Peng, Paletwa peng hna le Field thar a si ding Ann (Rakhine State) le Padan (Margwe Division) khua tiang a va tlawng kho.

ICBM nih Kawl Phaisa (MMK) 150 Million dih in sak mi MTBA (Mindat Township Baptist Association) office Nov. 3, 2018 ah Pathian sin pekchanhnak zong ah aa tel kho. ICBM nih zohkhenh mi Missionary 83 le Nurse Aides 13 hna ca ah Nov. 23-25, 2018 ah Zion Baptist Church, Tahan ah tuahmi Training zong ah training peknak a ngei kho.

ICBM le CBANA (USA-Falam) i fonh in Taungphila Baptist Church ah Ni 3 chung Missionaries training zong ah Training peknak a ngei kho.

Asi khawh chcingin Chinmi dihlak Mission riantuananaka ah kan i funtom khawhnak hnga caah Rangoon ah tuahmi “United Chin Mission Network” (UCMN) meeting zongah aa tel kho. Dam tein USA a rak phakthan lawng si loin CBC-USA office rian zong staff dang hna he a tuan ti kho cang.

### ICBM Riantuannak Theipar

ICBM min in CBCUSA nih thlanglei Chinram ah rian a tuannak hi Kum 5 te lawng a si rih nain a theipar tampi hmuh khawh a si cang. ICBM cu holistic mission (*Khrih khamhnak thawngtha chimnak, Medical Ministries, Relief and development le Education & School development*) tinh in riantuan ding tiah saduhthah bantuk in a theipar tampi hmuh khawh ding in a tlai cang.

1) Fim cawnnak: Thlanglei Chinram kan unau hna fimnak lei ah thangcho ve hna seh ti duhfahpiaknak nganpi he Kanpetlet, Paletwa, Mindat le Gangaw peng chung in Entrance Exam phitter hnu ah cathiam deuh tiah

thim mi hna cu Hakha ah Grades 8-10 tiang boarding School ah kan zohkhenh hna. Cozah High School ah sianginn an kai ko nain zing le zaan ah leng lei siang cachim nih ca an chimh rih hna.

2) Fim cawnnak: Thlanglei Chinram kan unau hna fimnak leiah thango ve hna seh ti duhfah piaknak nganpi he Kanpalet, Paletwa, Mindat le Gangaw peng chungin Entrance Exam phitter hnuah cathiam deuh tiah thimmi hna cu Hakha ah Grades 8-10 tiang boarding School ah kan zohkhenh hna. Cozah High School ah sianginn an kai ko nain zing le zaan ah leng lei siang cachim nih ca an chimh rih hna.

3) Nikum 2018 March thla ah minung 22 nih taang an phit i, minung 13 an awng. Distinction (“D”) a hmu mi zong an um, Paletwa peng in Aung Naing Win nih subject 4 (Myanmar, Math, Physics le Biology) ah distinction a hmuh. Medical lei cawng ding in timhlahmpiak a si. Saduhthah ning in Sibawi (Medical Doctor) a cawn khawh le a dih khawh ahcun Paletwa kan unau hna lak ah Sibawi hmasa bik ding a si.



Aung Naing Win  
Paletwa - 4D

4) Mindat peng in Ling Mang zong nih subject 2 (Math le Biology) ah “D” a hmuh. Cun Kapalet peng thiamthiam in Naomi San le Hning Thang, Paletwa in San Pan nih Economics in “D” an hmuh.

5) Hakha ICBM boarding sianginn in High School awn hnu ah Bible sianginn a kai lio mi hna le College/University kai lio minung 24 kan ngei. Cu hna lak in Kanpalet peng Naing M’na hi Magwe University ah Sibawi (MBBS) kum 3-nak a cawng lio. Cun B. Sc., B. Ed. Kum 3-nak kai lio kan ngeih fawn. A rauh hlan ah an peng le an khua ah hmantlak ding an si te lai.

6) Nikum 2018 i H/S a awng mi hna College/Univerty an peh dih a si ahcun College/University siangngakchia lawngte 30 leng kan ngei cang hna lai. Mah hna pawl ka zoh hna ahhin ka lunglawmhnak mitthli a tla, kan tuah khawh lo mi a tuahu ding an si ka ti.

7) Tu kum 2019 March ah hin ICBM boarding school in minung 27 nih taang 10 an phit than lai, minung tampi an awn i, distinction tampi an hmuh nakhnga thlacannak in bawm cio hna usi.

8) Mah lawng si loin thlanglei Lairam kan tlawnnak ah minung (mino) tampi nih Hakha holh an thiam than cang. Zanriah, thaithawh tirawl an kan pek tik ah an theithiam sual lai lo tiah Kawlholh in “Ce-Zu-Tin-De” tiah kan ti hna tik ah “Keimah zong kaa lawm tuk ve Saya” tiah Hakha holh in a kan let kho mi an tam tuk, lung zong a hmui taktak. Zeitindah



Ling Mang  
Mindat - 2D

Naomi San  
Kanpetlet - 1D

San Pan  
Paletwa - 1D

Hning Thang  
Kanpetlet - 1D



Lin Htin  
Paletwa

Ca Hnin Thang  
Gangaw

Hnin Wai  
Gangaw

Zar Nay Aung  
Paletwa



Hung Shin  
Mindat

Yaw Ba  
Paletwa

Tin Zar Htwe  
Gangaw

Shin Lan  
Paletwa

Hakha holh na thiam tiah kan hal tik hna ah, “ICBM nih pei Hakha ah sianginn nan ka kaiter cu, CCU ah nan ka kaiter cu ti lawngte a si ko.

9) ICBM nih Hakha ah Boarding School a rak thokka ah cun Thlanglei Chinmi kan unau hna an lung a rak hring, Influence tuah an kan duh, *Hakhanise* tuah an kan duh ti phun khin an rak um nain tu ah cun CBCUSA nih ICBM hmang in dawtnak kan langhter an theihthiam cang, an kan zumh cang i, Hakha sianginn kai ding hi a cuh in an i cuh cang.



Eastern Area cu State 7 chung i khuasa khrihfabu kan si hna. Kan umnak aa hlat pin ah khrihfabu hme tete kan si hna. Kan umnak aa hlat ruang ah Area dang bantu in kan cawlcang kho lo. Kan cawlcanghna ah a biapi ngai mi pakhat cu kum fatin tonnak kan ngeih mi “**Annual Meeting**” hi a si. Hi Annual Meeting ah hin kum khat chung Area a cawlcanghna ding vialte ceikhhan le biachahnak tuah a si.

Tukum 2019 zong **February 15-16, 2019** ah tlamtling taktak in le nuam taktak in Eastern Area Annual Meeting cu **First Chin Baptist Church, New Bern, NC** ah tuah a si. Inntek khrihfabu chungtel an dihlak cung ah le an tukhal Rev. Vanbawi Ven cung ah lunglawmhnak chim cawklo kan ngei. Pathian an dawt caah khualtlung mileng an kan zohkhenh ning a tha, mi chawnhbiak an thiam, an sin um a nuam, kan ti. Bawipa nih a dong lo a thluachuah he lam hruai hna in umpi ko hna seh.

Khual tlun zan ah hmunkhat te ah Pathian thangthattinak kan ngei hna. Meeting palai kan dihlak ah minung 53 kan si. Pakhat le pakhat kan i hngalfiang deuh hna, kan i naih deuh hna. A cung lei hmanthlak khi Annual Meeting ah aa tel kho mi kan si. Dam tein kan um ahcun a ra lai mi **July 19-21, 2019** ah Area Civui tuah ding in ceikhannak kan ngei.



**Eastern Area Annual Meeting ah aa tel kho mi Ministers**